

# VUÕIGGÂDVUÕTTMINISTERIA

## TEÂDAT

27.6.2019

### Äi'ğğtaull ij vuei'tlvâstt sää'mte'ğğvaali seerd

Vä'lddmini'stter Rinne halltõsprograamm mie'ldd já'ttlõs äi'ğğtaulin čiõlgeet sää'mte'ğğvaali ääi'jpo'dde õhttnee kooččmõš. Čiõlgtõõzz da parlamee'nt äi'ğğtauli vuâdald lij kuuitâg vuei'nnemnalla, što čõhččmannust ââ'nnemvuâla sää'mte'ğğvaalid ij leäkku teänab vuei'tlvaž se'rdded.

Kooččmõš sää'mte'ğğvaali vuei'tlvaž seerdast õhttan ÕM ooumažvuõiggâdvuõttkomitea 1.2.2019 õlmmeem rä'tkkummsid. Lää'ddjânnam tuõ'tteš neeu'rtem ÕM meerlaž- da poliittlaž vuõiggâdvuõdid kuõskki õõlmâs-suâppmõõžž sää'mtii'ğği vaal-logstõ'kke vâlddmõõžž kuõskki läittamaa'sšin. Ooumažvuõiggâdkomitea teä'ddii rä'tkkummsin sä'mmlai jioččmie'rreemvuõiggâdvuõđ statuuzzâs da õhttsažkââ'ddes vuâzzlažvuõđ vue'zzest.

Halltõsprograamm meâdlânji halltõs ci'sttai da veekk oudâs puki sä'mmlai da sää'mjoouki kiõl'lai da kulttuursai vuõiggâdvuõdi teâuddjummuž vää'ldde'l lokku meeraikõskksa suâppmõõžž. Vue'ssen tän tuej čiõlgeet ILO 169 -suâppmõõžž ratifiâsttmõõžž oudldõõzzid, jue'tket tuej sää'mte'ğğlää'jj oodeem diõtt di tuõđâšvuõtt - da suâvâdvuõttkomissio já'tt'tem diõtt. Halltõõzz äiggmõššân lij juä'tkked dialogia sää'mtii'ğğin sää'mte'ğğlää'jj oodummuž da jee'res sä'mmlaid õhttnee ha'ñkkõõzzi ooudâsviikkmõõžžâst.

- Sä'mmla liâ vuâđdlää'jj mie'ldd alggmeer, da si'jjid kooll alggmeerstatu'sse õhttnee vuõiggâdvuõtt lee'd jiočč vaikkte'mmen si'jjid kuõskki aa'sšid, vuõiggâdvuõttmini'stter **Anna-Maija Henriksson** teä'ddad.

Sää'mte'ğğ lij kiõččâm, što čõhččmannu 2019 sää'mte'ğğvaal õõlgči õlggâm se'rdded, što lää'jjiõttummuž vuei'tčeš pee'vted da nääi't se'lvvned odđ YK-suâppmõõžži neeu'rtummšin.

#### Lââ'ssteâđ:

spesiaalveä'kkteei Otto Andersson te'l. 0295150 121, etunimi.sukunimi@om.fi

koontâršurr Johanna Suurpää, te'l. 0295 150 534, etunimi.sukunimi@om.fi